


Sel Prestuhn  
Dieter F. Uchtdorf  
Mwet in Kahsruh Ahk Luo  
ke Prestuhnsi Se Met



# Sie Orekma Yohk luhn God

## Eprel 6, 1830

Yac siofok alngucul somlac ah, Joseph Smith, Oliver Cowdery, ac sie pac un mwet sahyac tuhkweni fahsrweni in akiyac Alu luhn Jisus Kraist luhn Mwet Luhlahlfongi ke Lwen-sahflah. Ke koanon sramsram ah arlac sie ma na fihswacsr tuhsruhkuhnguhn miting sac. Joseph el suhmuhslah lah tukun kuhfa luhn Leum ah, “Nguhn Muhtahl puhtati nuh facsr ke sie ohiyac na usrnguck—ma kuhtuhmwet uh palye uh, ke pacl kuht ahkfuhlwactye Leum, ac engankuhnuhl yohklacna uh.”<sup>1</sup>

Ma sikyak ke lwen se inge tiacna ahkkahlwemyeyuck nuh fin facluh; tiacna oreklac ke ma sihmlac lucng ke pwepuh kuh ke news uh. Ne ohinge, fuhkah luhpan engan ac wolacna luhn God inkuhsrao—ke ma lwen se ingacn, Alu luhn Jisus Kraist fohlohk nuh facluh!

## Mwet Kol lohm sel Soloman

Ke lwen sac me nuh ke ma inge, foko sin tuhlihk mukul ac muhtwacn nwacnwaclah ke luhlahlfongi nuhtin Pahpah Lucng ukwe mokleyuck luhn Nguhn Muhtahl ac utyak nuh ke kof in pacptais muhtahl. Sie mukul ingacn pa Mwet Kol lohm sel Soloman ah

Soloman el sie mukul nguhnguhn ac el eis ao pucspucs in pruhe, suk ke nuhnak muhnahs luhn ma koluk

lal ac siyuck Pahpah Lucng elan koluhl nuh ke ma pwacye. Ke kuhtuh pacl ke 1816 ah, uliyuckyang nuh sel Soloman in sie araruhma lah el fah moul ac liye lwen se ma Alu luhn Kraist fah oreklac tukun tahklac luhn mwet forlah ah sifilpac orwaclah sie fin facluh ah.

Yac ekahsr tohkoh ke Soloman el kalkal ke oak uh nuh Canada ke oak luhlahp ukwacl ah tui ke sie mura srihsrihk fin acn Palmyra, New York. E we el puhla sie mokleyuck na fokoko nuh sel in ai we. Ke tiac etuh lah efuh el oasr we, el muhtwacwacack in sramsram nuh sin mwet we ah. Tiac paht met liki el lohng sramsram ke sie “Pwacpuhl kol.” El fahk lah kaks luu ingacn sang “sie kuh oacna sahrom [ma] som nuh fin sifacl nuh ke ten ke kufun niyacl.”

Siyuck lal kohlohllah nuh lohm sel Joseph ah, ma el sramsram nuh sin elos suc oasr ke pweng wowo ke fohlohkihnyuckyak luhn wosasuc uh. Tukun muhta we ke lwen luu we ac eis sie fahkwack luhlahlfongi kuh ke ma pwacye uh, Soloman el sifil kalweni fuhfahsryucsr lal nuh Canada, us sra puk sasuc 64 ma tuhfhahna sihmihsyucklac, ac sonna ikacklah ke Puk luhn Mormon. Acn nuh kwewa ma el som nuh we uh, el luti mwet uh, “kwewana acn fuhlwact ac tuhpahtpahr uh, kahsruhpu ac suhkahsruhpu, . . . in ahkolah nuh ke sie orekma yohk luhn God ma ac fah tuhkuh uh.”<sup>2</sup>

## Sie Orekma Yohk luhn God

Tukun lwen se ke Eprel 1830 ah, foko mwet sokwack ma pwacye ke wosasuc fohlohkihnyuckyak uh ac utyak nuh ke kof in pacptais. Nga fahkwack lah “orekma yohk luhn God” inge oasr fin facluh mihsenge. Nga fahkwack mwe lohoh luhk lah Leum el karuhnganwacng Alu Lal ac kom sin mwet pahluh Lal, Prestuhn Thomas S. Monson. Tiac mwe insewowo fihswacsr se in moulk-ihn ke lwen sahflah inge. Ma inge pa pacl wolacna, palyeyuck sin mwet pahluh met ah ac wiyuck ke kahrihngihnyuck sin un lupufacn. Leum el nuhnkuh yohk Alu Lal. El oacyacpac nuhnkuh yohk elos suc, ma oacna Mwet Kol lohm se Soloman, ukwe ke mokleyuck luhn Nguhn Muhtahl ac wi tamuhlwel ac tahmtahel wiyaclos fin facluh nohfohn in kahsruh usaclihk orekma yohk luhn God inge.

### MWE KAHSRUH

1. Joseph Smith, ke *History of the Church*, 1:78.
2. “A Short Sketch of the Life of Solomon Chamberlain,” taipiyuck ke sihm, Church History Library (ke internet ah ke [www.boap.org/LDS/Early-Saints/SChamberlain.html](http://www.boap.org/LDS/Early-Saints/SChamberlain.html)); oacyacpac William G. Hartley, “Every Member Was a Missionary,” *Ensign*, Sept. 1978, 23. Lwen ekahsr tukun oreklac luhn Alu uh, Mwet kol lohm sel Soloman ah pacptaislac sel Joseph Smith ke kof e Seneca Lake, New York.

## LUTI KE PWENG SE INGE

Srihkasrak luhn kais sie pa sie kuhfa ke mwe luti na fokoko lasr uh” (*Teaching, No Greater Call* [1999], 18). Ke kom akacsruhi sramsram ke Mwet kol lohm sel Soloman an, suli sucu an in liye pacl ma el ukwe mokleyuck luhn Nguhn uh. Sramsramkihn lah srihkasrak lal ingacn ac kuh in kahsruh mwet sahyac ah fuhkah? Suli mwet ke sucu an in akacsruhi ke sie pacl ma orwac-ah wowo luhn sie mwet kahsrwel an.

## MWET FUHSR

### Ma Sikyak ke Luhlahlfongi Luhk

Sel Jason Young

*Ke nga yac 13 ah, nga muhtwacwacack in riti Puk luhn Mormon lwen nuh kwewa, ac nga ahkinsewowoyeyuck ke na lwen sac me.*

Sacnri Skul luhn yac -13-matwac lasr ah tiac etweyuck ke muhtahl la uh. Ne ohinge, oasr mwet luti na wowo se lasr suc srihke kuhiyac nohfohn in luti kais sie

mwe luti ke Nguhn. Sie mwe luti ingacn ma ke riti ma suhmuhslah uh.

Ke sahflahiye mwe luti an el ac use nuh sesr sie mwe srihke ah. Arlac yohk srihpac nuh sesr nohfohn, tuhsruhke ke kuhtuh srihpac el ac ngwetma na nuh sihk ke el ac fahk, “Nga srihke kom in riti ke Puk luhn Mormon kais sie lwen nuh kwewa!” Nga sifacna nuhnkuh nuh sihk, “Nga fah ahkkahlwemye nuh sum. Nga fah orwacalah!”

Nga muhtwacwacack 1 Nephi sapta 1 kena fong sac ac kalweni in riti lwen nuh kwewa. Sahp tiacna wo atac se ke nga tuhfehna muhtwacwacack ah, tuhsruhke ke sahflah ah nga muhtwacwacack in luhngse atac se ma Puk luhn Mormon oruh nga puhla uh. Riti ke kais sie fong oacna in sie pahlah na wowo.

Mahlwem ekahsr tohkoh nga sun Alma 32 ac nga lut ke nuhnak ke sie ma sikyak ke luhlahlfongi uh. E in lutlut ah kuht lotwelah in kol kuh oruh experiment ke science ma uh, na nga sikuck muhtuhnteyak ac fahk nuh sel Pahpah Lucng lah ngwac muhtwacwacack experiment sac. Nga siyuck lah nga ac etuh fuhkah lah Puk luhn Mormon pwacye.

Ke tukun etwacack sac, nga etuh lah Pahpah Lucng el topuk pruhe luhk pacl pucspucs. Rit lwen nuh kwewa ke Puk luhn Mormon use nuh sihk in ahkyohkye luh-pah in kuhtanglah ma koluk. Nga puhla fototo nuh sin Pahpah tuhmuhk Inkuhsrao. Nga puhla ahkkweyeyuck ke kuh luhn Nguhn Muhtahl in kuhtanglah ma sik uh. Ma Alma el fahk ke in srihke lah kais luhn God uh el ma pwacye se: “Muhtwacwacack in ahkyohkye ngu-nihk; muhtwacwacack in kahlwemack etwacack luhk uh, ahok, muhtwacwacack in yuc nuh sihk” (Alma 32:28).

## TUHLIHK

### Wacngihn Mwe Insewowo Fal

Alu uh oreklac yac 180 somlah ah ke mahlwem se inge. Prestuhn Dieter F. Uchtdorf el fahk lah “wacngihn mwe insewowo fal” in moulkihn mihsenge, ke Alu uh fohlohkihnyuckyak uh. In sokwack kuhtuh mwe insewowo yohk ma Pahpah Lucng el use nuh sin mwet ke Alu uh, liye ma suhmuhslah ten ingacn.

Orekma 22:16

2 Nephi 32:5

James 5:14–15

D&C 20:8–12  
Amos 3:7  
D&C 110:7–10

© 2010 sel Intellectual Reserve, Inc. Kuh ac suwohs nuh kwewa fihl-  
iyucki. Sihmlac fin acn USA. Ahkkweyeyucklac ke kahs English: 6/09.  
Ahkkweyeyucklac ke lweng: 6/09. Lwenglah luhn *First Presidency Message,*  
*April 2010.* Kosraean. 09364 868

# Suk ac Eis Fwackyuck La Sifacna



*Luti ma suhmuhslah  
ac fahk inge kuh,  
fin enenuh, sie pac  
mwe luti ma ac*

*ahkinsewowoye tahmtahel ma  
kom muhtwacta nuh yohroh an.  
Fahkwack luhlalfongi kuh lom  
ke mwe luti an. Suli elos suc kom  
muhtwacta yohroh an in akacsruhi  
ke ma elos puhla ac lotwelah an.*

## **Nga Ac Kuh in Suk Fuhkah Fwackyuck La Sifacna?**

“Kuht ahkolah in eis fwackyuck la sifacna oacna ke mwet pahluh uh oruh uh, ke lutlutkihn ma suhmuhslah, lalo, pruhe, ac muhsaheack luhlalfongi uh. Luhlalfongi pa ki uh. Esam ahkolah lal Joseph nuh ke Araruhma Se Met ah:

“Fin kuhtwena suwos enenuh lahlmwetmwet, lwelah elan siyuck sin God. . . .

“Tuhsruhk lwelah elan siyuck ke luhlalfongi, tiac ahlohloh.”<sup>1</sup>

**Elder Robert D. Hales ke U luhn Mwet Sap Singucul Luo.**

“Pruhe uh pa *ki nuh inkuhsrao lom* sifacna. Lak uh el wi kom lac ke lihsrlihsr sac.

“Tuhsruhk tiac pa ingacn nohfohn. Nuh sin suc luti fwackyuck sac fah fahsr sahyen kuh, Leum el fahk:

“Kom tiacna kahlwem kac; kom pahngon muh nga ac fah usot nuh sum, ke kom tiac motko in siyuck sihk.

“Tuhsruhk, liye, nga fahk nuh

sum, lah kom enenuh in lutlutkihn ke *insifom*; na kom enenuh in siyuck sihk fin pwacye, ac fin pwacye nga fah oruh insiom in mokle kom; ke ma inge, kom fah *puhla* lah ma inge pwacye.”<sup>2</sup>

**Prestuhn Boyd K. Packer, Prestuhn ke U luhn Mwet Sap Singucul Luo.**

## **Nga ac Eis Fuhkah Fwackyuck La Sifacna?**

“Ke inkaiyen atac uh, fwackyuck kuh mokleyuck uh tuhkuh ke kalmeyacn kahs kuh nuhnak ma oasr ke insifac uh (liye Enos 1:10; D&C 8:2–3), ke ahkkweyeyuck sa (liye D&C 6:14–15), ke puhla wo kuh koluk ke mukwikwi ke inkacnek akwucki, kuh finne ke mokleyuck luhn orekma, oacna ke orekma ke sroal uh. Oacna ke Prestuhn Boyd K. Packer, . . . Prestuhn ke U luhn Mwet Sap Singucul Luo, el fahk, ‘Mokleyuck uh tuhkuh yohk oacna sie puhla likina puhsra se.’”<sup>3</sup>

**Elder Dallin H. Oaks ke U luhn Mwet Sap Singucul Luo.**

“Tempuhl uh pa sie lohm in lutlut. Inkaiyen mwe kol intuckyang nuh ke tempuhl uh pa akucl ac lutiyuck ke Nguhn uh. Kalmac pa lutiyuck kuht inkuhsrao mwe. . . . Kahlwem lasr ke kalmeyacn akwuck ac olwelah uh fah yohkwacliik ke kuht fohlohk nuh tempuhl in fusus ke atacn lutlut ac nuhkuh yohk ke mwe lutlut pwacye lutiyuck

## **KAHSRUH NUH KE FORFOR LUTI**

In oacna sie mwet forfor luti, kom kuh in eis atac luhn Nguhn oacna ke enenuh luhn tahmtahel wiyom an ac in oruh fuhkah in sun enenuh lalos an. Ke kom ac luti pweng se inge, akacsruhi, fin kuh, kuhtwena mokleyuck kuh kahsrh ma kom ac eis nuh ke forfor luti an.

## **AHKOLAH LUHN KAIS SIE**

- 1 Samuel 3:10
- 1 Tohkohsrah 19:11–12
- Alma 5:46; 26:22
- 3 Nephi 19:19–23
- D&C 8:2–3; 9:8–9; 88:63–64

uh. . . . Lwelah kuht in engankihn ahkkweyeyuck ke nguhn ac fwackyuck ma kuht eis ke kuht fahsr tempuhl uh lwen nuh kwewa uh.”<sup>4</sup>

**Silvia H. Allred, mwet in kahsrh se met ke prestuhnsi luhlaph luhn Rilif Sosaiti.**

## **MWE KAHSRUH**

1. “Fwackyuck La Sifacna: Luti ac Srihkasrak luhn Mwet Pahluh,” *Liahona*, Nohfohmpuh 2007, 88.
2. “Fwackyuck La Sifacna: Mwe Sang, Mwe Srihke, ac Olwelah,” *Ensign*, Nohfohmpuh 1994, 59–60.
3. “Srihpac Alkosr nuh ke Fwackyuck,” *Liahona*, Septempuh 2004, 8.
4. “Tempuhl Muhtahl, Olwelah Muhtahl,” *Liahona*, Nohfohmpuh 2008, 113, 114.

© 2010 sel Intellectual Reserve, Inc. Kuh ac suwohs nuh kwewa fihliyuclki. Sihmlac fin acn USA. Ahkkweyeyucklac ke kahs English: 6/09. Ahkkweyeyucklac ke lweng: 6/09. Lwenglah luhn *Visiting Teaching Message, April 2010*. Kosraean. 09364 868